

97 meira en 108 potta, sbr. 2. grein laga 4. nóvbr. 1881, er það vitaskuld, að gjaldið
9. maí. verður þeim mun meira af hverri tunnu, sem hún er stærri, en gjört er ráð fyrir í tjeð-
um lögum.

3. Það er ekkert því til fyrirstöðu, að þeim hreppstjórum eða öðrum mönnum, sem settir eru af amtmanni lögreglustjórum til aðstoðar við skipa-afgreiðslu og tollheimtu, verði falið á hendur einnig að heimta innflutningsgjald á kostnað lögreglustjóra og ábyrgð hans.

Úr þeirri spurningu, hvort lögin nái til utanríkisskipa, er á íslenskum höfnum taka við afla utanríkisskipa og flytja hann út, geymi jeg mjer rjett til síðar að leysa, ef til vill eptir að hafa leitað álits ráðgjafans.

98 — Brjef landshöfðingja til sýslumannsins í Þingeyjarsýslu um lán til að kaupa
9. maí. ullarvinnuvjelar. — Til svars brjefi yðar, herra sýslumaður, frá 15. f. m. um að sýslu-
nefnd Suður-Þingeyjarsýslu verði veitt 1800 kr. lán úr viðlagasjóði til að innleiða hinar
einföldustu og nauðsynlegustu vjelar til umbóta á ullarvinnu, skal jeg tjá yður, að
nefnt lán mun verða veitt sýslunefndinni, móti því að hún greiði í vexti og endurborgun 6%
eður alls 108 kr. árlega í 28 ár af hinni upprunalegu upphæð lánsins, og með því skil-
yrði, að amtsráð norður- og austurumdæmisins veiti samþykki sitt til lántökunnar sam-
kvæmt sveitastjórnar-tilskipuninni 4. maí 1872 § 43 sbr. § 26.

99 — Brjef landshöfðingja til biskups um prestsþjónustu í norðurhluta Dalaprófasts-
11. maí. dæmis. — Með brjefi frá í gær senduð þjer mjer, herra biskup, erindi prófastsins í Dala-
prófastsdæmi og fylgdu því 2 bænarskrár frá sóknarmönnum Saurbæjarþinga um, að
prestakalli þessu verði til bráðabirgða þjónað af prestinum í Garpsdal, brjef frá tjeðum
presti um, að hann sje fús á að taka að sjer prestsþjónustu í Saurbæjar prestakalli
meðan það er laust, og loks brjef frá prestinum í Skarðsþingum. Skjöl þessi bera með
sjer, að jafnvel þó bæði Hvammsprestakall og Saurbæjarprestaköll nú sjeu laus, er sem
stendur, meðan að uppgjafaprestar eru bæði í Hvammsprestakalli og í Skarðsþingum, ó-
mögulegt að koma á breytingu þeirri með tilliti til prestakallanna í Dalaprófastsdæmi
sem fyrirskipuð er í 1. gr. 71, 72 og 73 laga um skipun prestakalla frá 27. febr. 1880;
hafið þjer, herra biskup, þar að auki drepit á, að álita megi ómögulegt, að haganlegri
skipun hinna umræddu prestakalla en sú, sem beðið hefir verið um, geti öðlast sam-
þykki löggjafarvaldsins, enda sje ýmsum sóknarmönnum í tjeðum prestaköllum þetta
all-mikið áhugamál. Þjer hafið því leitað samþykkis míns til

1. að presturinn í Garpsdal verði settur til fyrst um sinn frá næstu fardögum að
þjóna Saurbæjarþingum ásamt sínu eigin brauði,

2. að presturinn í Skarðsþingum verði á sama hátt settur til að þjóna Stadarfells-
sókni frá næstu fardögum, og

3. að presturinn í Hjarðarholti verði settur til að þjóna Hvammssókn og hinni fyr-
verandi Ásgarðssókni.

Þessar tillögur skulu hjer með samþykktar, þó þannig að, meðan að uppgjafa-
presturinn í Skarðsþingum nýtur eptirlauna af brauðinu, skulu eptirlaun uppgjafaprests-
ins í Hvammsprestakalli eingöngu greiðast af Hvammi og Ásgarðssóknum, meðan þeim
er þjónað af sóknarprestinum í Hjarðarholti. Fyrst þá er eptirlaunum uppgjafaprestsins

ljettir af Skarðspingum verður tekin ákvörðun um, hvort eða að hve miklu leyti Staðar- **99**
fellsókn skuli taka þátt í að greiða eptirlaun uppgjafaprestsins í Hvammsprestakalli. **11. maí.**

— Brjef landshöfðingja til amtmannsins yfir suður- og vesturumdæminu um **100**
endurborgun fjárkláðaláns. — Með því að alþingi hefir í hinum almennu tillögum við- **13. maí.**
víkjandi landsreikningunum 1878—79, sem prentaðar eru í alþingistíðindunum 1881, I,
549.—550. bls. samþykkt undir 6. tölulíð:

«að gengið verði eptir því, að skyndilán til suðurstofnsins út af fjárkláðanum
verði tafarlaust endurborgað, ef það hefir eigi þegar átt sjer stað»,
skal jeg hjer með þjónustusamlega skora á yður, herra amtmaður, að gjöra ráðstafanir
þær, er nauðsynlegar eru, til þess að tjeð lán verði án frekari undandrættar heimt að
þeim, er hlut eiga að máli, og greitt viðlagasjóðnum.

Í sambandi við þetta skora jeg á yður, herra amtmaður, að annast um, að sýslu-
nefndin í Borgarfjarðarsýslu samkvæmt lögum um endurborgun á skuldakröfum lands-
sjóðs 4. nóvbr. 1881, 2. gr., gefi út skuldabrief til viðlagasjóðs fyrir þeim hluta af þessu
bráðabyrgðaláni, sem sú sýsla er skuldug sjóðnum um, og sem nemur 955 kr. 19 aur.,
og skal skuld þessi endurgoldin með 6%o, eða 57 kr. 31 e. árlega í 28 ár, og það á þann
hátt, að þessa síðastnefndu upphæð beri að greiða innan ársloka ár hvert, fyrsta sinn
innan 31. desember 1882. Því næst ber að senda mjer skuldabrief þetta.

— Brjef ráðgjafans fyrir Ísland til landshöfðingja um vísindalega heimskauts- **101**
rannsókn. — Sendiherra Austurríkiskeisara og Ungverjakonungs hjer í bönnum hefir tjáð **13. maí.**
utanríkisráðgjafanum, að Austurríkistjórn ætli að gjöra út vísindamenn til heimskauts-
rannsókna og senda þá til eyjarinnar Jan Mayen, ef ís leyfir, að þeir geti náð þar landtöku
en ella til Grimseyjar, og eigi þá sendinefndin að dvelja þar í 14 mánuði; kveður hann
flutningsskipið «Pola», sem heyrir til herskipaflota keisarans eiga að leggja af stað með
sendinefndina, og heppnist skipinu að koma henni á land á Jan Mayen, þá muni það hleyppa
inn til Reykjavíkar, að líkindum í júlímánaðarlok og setja þar á land Wilezek greifa og
dvelja þar stutta stund. Hefir sendiherrann mælt til, að lagt verði fyrir yfirvöldin á Íslandi
að láta sendinefndinni aðstoð þá í tje er kynni að vera þörf á. Af þessu efni er þjón-
ustusamlega mælt til þess við yður, herra landshöfðingi, að yður mætti þóknast að gjöra
ráðstafanir til, að yfirvöldin aðstoði sendimenn þessa á þann hátt, er við á og hagkvæmt
er, bæði ef til þess kemur, að þeir setjast að, og svo meðan þeir dvelja í Grimsey, og eins
meðan flutningsskipið dvelur í Reykjavík.

— Brjef landshöfðingja til amtmannsins yfir norður og austurumdæminu um **102**
aukamanntalsþing. — Samkvæmt tillögum yðar, herra amtmaður, felst jeg á, að sýslu- **15. maí.**
maðurinn í Skagafjarðarsýslu haldi eptirleidis sjerstakt manntalsþing að Reynistað fyrir
Staðarhrepp, og er þetta samþykki bundið því skilyrði, að hreppsnefndin í þessum hreppi
sjái um, að til verði á þessum stað tilhlýðilegt hús til þinghalds. Með þessari ákvörð-
un er engin breyting gjörð á hinni fornu Seilupinghá sem dómsþinghá.
Þetta er tjáð yður, herra amtmaður, til þóknarlegrar leiðbeiningar og ráðstöf-
unar.